

II - ARABAKO LURRALDE HISTORIKOAREN TOKI ADMINISTRAZIOA

ARAMAIOKO UDALA

Udal titularitateko landa bideen eta karga-lekuen erabilera berezia arautzen duen ordenantzaren aldaketa. Behin betiko onarpena

Aramaioko Udalbatzak, 2022ko martxoaren 2an egindako osoko bilkuran, hasiera batean onartu zuen udal titularitateko landa bideen eta karga-lekuen erabilera berezia arautzen duen ordenantzaren aldaketa egitea. Jendaurrean jartzeko epean erreklamaziorik aurkeztu ez denez, automatikoki behin betiko bihurtzen da udal titularitateko landa bideen eta karga-lekuen erabilera berezia arautzen duen udal-ordenantza aldatzeko hasierako osoko bilkuraren erabakia. Erabaki horren testu osoa jendaurrean jartzen da, denek horren berri izan dezaten eta Toki Araubidearen Oinarriak arautzen dituen apirilaren 2ko 7/1985 Legearen 70.2 artikuluan xedatutakoa betez.

Erabaki honen aurka administrazioarekiko auzi-errekurtsoa aurkeztu ahal izango da Vitoria-Gasteizko Administrazioarekiko Auzietako Epaitegian, bi hilabeteko epean, iragarki hau argitaratu eta hurrengo egunetik aurrera, Administrazioarekiko Auzien Jurisdikzioari buruzko uztailaren 13ko 29/1998 Legearen 46. artikuluekin bat etorritz.

Aramaio, 2022ko maiatzaren 10a

Alkatea

LIERNI ALTUNA UGARTE

ARAMAIOKO UDALAREN JABETZAKO LANDA BIDEEN ETA KARGA-LEKUEN APROBETXAMENDU BEREZIA ARAUTZEN DUEN ORDENANTZA

1 artikulua

Udalarenak diren landa-bideetan ibilgailu astunek (bereziki, udal-barrutian kokatutako baso-ustiapenean diharduten egur- eta enborki- garraiorako ibilgailuek) sortzen dituzten kalteak direla kausa, eta, Udal Korporazioen Ondasunen Erregelamenduaren 77.artikuluan eta Toki Erregimeneko Oinarrien erregulatuzailea den 7/1985 Legearen 25.2.d) artikuluan xedatutakoaren babesean, Aramaioko Udalak bidezoruaren erabilera arautuko du udalerrriaren interesak, eta, oro har, bizilagunenak babesteko.

2 artikulua

Udalarenak diren landa-bideak erabiltzeko lizentzia hiru tona baino gehiagoko pisua duten ardatzeko ibilgailuek izango dute; ezingo da, inolaz ere, hiru ardatz baino gehiago duen ibilgailurik erabili. Ardatz-kopuruari dagokionez, aurreko trakzioko ardatza ere kontuan hartu behar da.

Landa-bideetan ezin erabili ahal izango da, inolaz ere, ardatzeko zortzi tona baino gehiago pisatzen duen ibilgailurik. Bidaiaiko 30 tonako karga onartuko da, gehienez, atoaia barne hartuta; era berean, lizentziari lotuko zaio lur-mugitzea eragingo duen edozein bide erabilpen.

Kasu bakoitzean udalak atoaia erabiltzeko aukera baloratuko du.

3 artikulua

Udal bideren bat erabili aurretik, dagokion lizentzia lortu beharko da udalean, honako datu hauek jasota:

a) Aprobetxamendua egingo den luraren jabearen identifikazio-datuak: izen-abizenak, NAN, helbidea eta telefonoa.

b) Aprobetxamendua egingo duen garraiolari edo kontratistaren identifikazio-datuak: enpresa, arduradun den pertsona, helbidea eta telefonoa.

c) Materialak datozeneko lursailaren identifikazio-datuak (katastroaren poligono eta partzela, hedadura), eta baita burutzea aurreikusten den proiektuaren identifikazio-datuak ere plano batean bilduak; hala badagokio, egur-bilketarako tokia ere zehaztuko da.

d) Garraiatu beharreko materialen bolumena estereoetan. Tasazio-kubikazio inprimakiaren fotokopia eta basogintzan aginpidea duen autoritateak luzatutako baso-mozketarako baimena gehituko dira.

e) Lanen hasiera eta amaierarako aurreikusitako egunak.

f) Eskaera inprimakian adierazi beharko du udal karga-lekua erabiliko den ala ez, eta, hala bada, zein erabiliko den adierazi beharko du.

g) Atoia behar izanez gero, adierazi atoi mota.

4 artikulua

0,43 euroko tasa ezartzen da udaletako landa-bideetatik garraiatzen den estereo bakoitzeko, eta 42,15 euroko gutxieneko tasa finkatzen da. Tasek zenbatekoa bide horiek mantentzeko eta hobetzeko erabiliko da.

Udal lurretan egurrezko karga-leku bat erabiltzen bada, 0,23 euroko tasa ordaindu beharko da biltegi-ratutako estereo bakoitzeko, eta 22,54 euroko gutxieneko tasa ezarriko da.

5 artikulua

Udal landa-bidea erabiltzeagatik tasa alde batera utzita, eta sor litezkeen kalteei aurre egiteko berme gisa, nahitaezkoa izango da alde aurretik 1,67 euroko fidantza gordailutzea estereo bakoitzeko, eta 421,43 euroko gutxieneko fidantza ezartzea.

Udal karga-lekua erabiltzeagatik tasa alde batera utzita, eta sor litezkeen kalteei aurre egiteko berme gisa, nahitaezkoa izango da alde aurretik 0,89 euroko fidantza gordailutzea estereo bakoitzeko, eta 224,59 euroko gutxieneko fidantza ezartzea.

Fidantza transferentzia edo banku abalaren bidez jarri beharko da. Ez da onartuko bermea eskatzeko edo iraungitzeko epea duen abalik.

Ordenantza honetan jasotako kopuru guztiak (tasa, abala, etab.) aldatu ahal izango dira, ordenantza fiskaletarako lege ezarritako prozedurari jarraituz.

Abal bereziak izango dira bidezoruz desberdinak dituzten landa-bidetakoak; kasu bakoitzean abala aztertuko da eta, landa-bide berezitat auzo-bideak joko dira.

Garraiatu beharreko materiala beste genero batekoa balitz (harrobiko materiala, buztina...), egurraren gainean erabakitakoren arabera kalkulatu da ordaindu beharrekoa.

6 artikulua

Lizentzia emateko prozedura ebazteko gehieneko epea 15 eguneko izango da, lizentzia eskatzen denetik zenbatzen hasita.

Epe hori hasiko da zenbatzen eskaerak ordenantza honetan ezarritako baliozkotasun-bal-dintza guztiak betetzen dituenean.

Lizentzia eman aurretik, udal langileek eta/edo zinegotziak ikuskapen-bisita egingo dute eskatutako erabilera baino lehen, eta landa-bidea erabiltzeko egoera eta egokitasuna baloratzeko txostena egingo da.

7 artikulua

Fidantza lizentziaren titularrari edo fidantza jarri duen pertsonari itzuliko zaio, hark eskatuta eta erabilitako bidearen egoera aztertu ondoren.

Horretarako, udal langileek eta/edo zinegotziak ikuskapen bisita egingo dute egindako erabileraren ondoren, eta landa-bidearen egoerari eta eragindako kalteei buruzko txostena egingo da.

Kalterik badago, txosten hori lizentziaren titularrari edo fidantzaren ipini duenari jakinaraziko zaio, eta, hala badagokio, egin beharreko konponketak eta horiek egiteko epea adieraziko zaizkio.

Epe hori igaro eta eskatutako konponketak egin ez badira, Udalak betearazte subsidiarioa egingo du, obligaziodunaren kontura, jarritako fidantzaren zenbatekoa kenduz. Hori nahikoa ez bada, aldea eskatuko da, kalte guztiak estali arte.

Eragindako kalteak konponezinak badira, Udalak kalte-ordaina jasoko du suntsitutako ondasunen balioaren edo eragindako narriaduraren zenbatekoaren adinako kontuan.

Landa-bide bat baino gehiago erabiltzen bada eta horietako bati bakarrik egotzi ezin zaizkion kalteak badaude, erantzukizunak erabiltzaileen artean banatuko dira, garraiatutako materialen bolumenaren arabera.

8 artikulua

Udal lursailean karga-leku bat erabiltzen bada, egurra ateratzen amaitu ondoren, apea edo gainerako mozketak guztien karga-lekua 30 egun naturaleko epean utzi beharko da, gehienez ere.

Fidantza lizentziaren titularrari edo fidantza jarri duen pertsonari itzuliko zaio, hark hala eskatuta eta erabilitako udal karga-lekuaren egoera aztertu ondoren.

Horretarako, udal teknikari edo zinegotzi batek ikuskapen bisita egingo du, egindako erabileraren aurretik eta ondoren, eta udal karga-lekuaren egoerari eta eragindako kalteei buruzko txostena egingo da.

Kalterik badago, txosten hori lizentziaren titularrari edo fidantzaren gordailuzainari jakinaraziko zaio eta, hala badagokio, egin beharreko konponketak eta horiek egiteko epea adieraziko zaizkio.

Egurra pilatzeko prestatutako karga-leku partikularrak bide publikoetatik behar den distantziara jarriko dira, egurra kargatzen eta deskargatzen duten kamioiek bide gainean aparkatu gabe egin dezaten. Hau da, debekatuta dago egurra kargatzea eta deskargatzea kamioia bide publikoaren gainean aparkatuta dagoenean, berariazko baimenik izan ezean.

9 artikulua

Materialak ateratzen hasten den egunean edo ateratzen diren bitartean, baldintza klimatologikoek eta bidearen egoerak hala aholkatzen badute, Udalak egur ateratzea atzeratu ahal izango du, baldintzak onak izan arte.

10 artikulua

Aurreko artikuluan ezarritakoa alde batera utzi gabe, garraiolariak debekatuta izango du egurraldi txarreko aldietan zirkulatzea, eta behar diren neurriak hartuko ditu bidea segurtasun-baldintza egokietan eta beste erabiltzaile batzuentzat ibiltzeko moduan mantentzeko; horretarako, aprobeixamenduak irauten duen bitartean, beharrezkoak diren konponketak eta garbiketak egingo ditu. Bestela, Udalak egingo ditu, erabiltzailearen (garraiolariaren) kontura, eta, beharrezkoa izanez gero, udalak lizentzia kendu ahal izango du.

Nolanahi ere, onuradunek behar diren neurri guztiak hartu beharko dituzte zirkulazioari kalterik ez egiteko, eta ezin izango dute bidea enborrekin edo zuhaitz-adarrekin okupatu. Bide publikotik kendu beharko dituzte ibilgailuak bide horretan uzten dituzten produktuak, hala nola lurrak, harriak eta abar.

11 artikulua

Ertzaintzak ordenantza hau bete dadin arduratuko da, eta udalerriko bide publikoetatik ibilgailu astunekin dabilen edozein garraiolari horretarako dagokion udal-baimena edo bere kopia exijitu ahal izango die; horrelakorik izan ezean, garraiatutako materiala berehala geldiaraztea agindu ahal izango da.

12 artikulua

Ordenantza honetan araututako landa bideak aldeztu aurretik udal lizentziarik lortu gabe erabiltzen badira, dagokion zehapen espedientea irekiko da, Arabako Lurralde Historikoko landa-bideen erabilera eta zaintza arautzeko otsailaren 13ko 6/1995 Foru arauan xedatutakoarekin bat.

Xedapen gehigarria

Sektore Publikoaren Araubide Juridikoari buruzko urriaren 1eko 40/2015 Legearen 8. xedapen gehigarriaren arabera, edozein administrazio publikok edo harekin lotutako edo haren mendeko edozein erakunde edo entitatek sinatutako hitzarmenak, indarraldi bat zehaztuta ez duten kasurako, edo indarraldi bat zehaztuta edukita ere, lege hau indarrean jartzean iraupen muga gabeko isilbidezko luzapen bat ezarrita duten hitzarmenetarako, kasu horietan, hitzarmenaren indarraldia aurreko 2020ko urriaren 2a artekoa da.

Xedapen indargabetzailea

Indargabetuta geratzen dira hemen finkatzen direnen kontra doazen xedapen guztiak, eta bereziki ALHAOn 2002ko martxoaren 20an argitaratutako "Aramaioko udal titularitateko landa bideen eta karga-lekuen erabilera berezia arautzen duen ordenantza" eta horrek ondoren jasandako aldaketak.

Azken xedapena

Ordenantza hau ALHAOn argitaratu eta hurrengo egunean jarriko da indarrean, eta indarrean jarraituko du aldatzea edo indargabetzea erabakitzen den arte.

ERANSKINA

Udal landa bideen erabilpenagatiko tasak:

- 0,43 euro garraiatuko den estereo bakoitzeko.
- Gutxieneko tasa: 42,15 euro.
- Aurretiaz jarri beharreko fidantza: 1,67 euro estereoko; Gutxieneko fidantza: 421,43 euro.

Udal karga-lekuak erabiltzeagatiko tasak:

- 0,23 euro estereo bakoitzeko.
- Gutxieneko tasa: 22,54 euro.
- Aurretiaz jarri beharreko fidantza: 0,89 euro estereoko; Gutxieneko fidantza: 224,59 euro.